



Broj: 08-01-03/2-11-2-2067-10/22

Dana: 06.09.2022. godine

Na osnovu člana 70. stav (1), (3) i (6), u vezi sa članom 64. stav (1) tačka b) Zakona o javnim nabavkama ("Službeni glasnik BiH", broj: 39/14) i članom 8. stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", broj: 103/14), na Preporuku Komisije za nabavke iz Zapisnika o pregledu i ocjeni ponuda broj: 08-01-03/2-11-2-2067-9/22 od 01.09.2022. godine, u postupku javne nabavke "Sukcesivna nabavka usluga održavanja zgrada", ministar Ministarstva unutrašnjih poslova Zeničko-dobojskog kantona, d o n o s i:

ODLUKU

o izboru najpovoljnijeg ponuđača "DKM GRADNJA" d.o.o. Maglaj, za "Sukcesivna nabavka usluga održavanja zgrada"

I

Prihvata se preporuka Komisije za javnu nabavku roba, usluga i radova (u daljem tekstu - Komisija), iz Zapisnika o pregledu i ocjeni ponuda broj: 08-01-03/2-11-2-2067-9/22 od 01.09.2022. godine i ugovor za "Sukcesivna nabavka usluga održavanja zgrada", dodjeljuje se ponuđaču "DKM GRADNJA" d.o.o. Maglaj, sa ponudom broj: 08-01-03/2-11-2-2067-3/22 od 25.08.2022. godine i ponuđenom cijenom u iznosu od 25.567,70 KM bez PDV-a.

II

Odabrani ponuđač dužan je u roku od 5 (pet) dana od dana zaprimanja ove Odluke o izboru, na Protokol ugovornog organa dostaviti originale ili ovjerene kopije niže navedene dokumentacije, koja ne može biti starija od 3 (tri) mjeseca, računajući od momenta predaje ponude:

- a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- d) potvrde nadležnih institucija o uredno izmirenim obavezama po osnovu direktnih i indirektnih poreza.

Za ispunjenje uslova iz člana 45. stav (1) tačka a) Zakona, a u vezi sa stavom (2) tačkom a) iste odredbe Zakona, ponuđač mora ispoštovati slijedeće:

Shodno mišljenju Suda BiH od 21.05.2019. godine, upućenog Agenciji za javne nabavke, u cilju urednosti ponuda, a prema članu 45. stav (1) tačka a), u vezi sa stavom (2) tačka a) istog člana Zakona, neophodno je da svaki kandidat/ponuđač kumulativno dostavi potvrdu Suda BiH i potvrdu suda prema sjedištu pravnog lica, odnosno kandidata/ponuđača, iz razloga što nije definisan Jedinstveni registar na nivou Bosne i Hercegovine, u koji bi se upisivale pravosnažne presude za osuđene za krivična djela organizovanog kriminala, korupcije, prevare i pranja novca.

Stoga, obaveza je kandidata/ponuđača da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona, dostave uvjerenje Suda BiH i suda prema sjedištu pravnog lica, odnosno kandidata/ponuđača.

III

Ova Odluka objavit će se na web stranici ugovornog organa (www.mupzdk.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 08-01-03/2-11-2-2067/22 od 01.08.2022. godine.

Javna nabavka provedena je putem otvorenog postupka javne nabavke.

Procijenjena vrijednost nabavke na dvogodišnjem nivou iznosi 70.000,00 KM bez PDV-a.

Obavještenje o nabavci broj: 488-1-2-28-3-57/22, poslano je na objavu dana 04.08.2022. godine.

Sažetak obavještenja o nabavci broj: 88-1-2-28-3-57/22 objavljen je dana 12.08.2022. godine u "Službenom glasniku BiH", broj 54.

Komisija za javnu nabavku imenovana je Odlukom broj: 08-01-03/2-11-2-2067-1/22 od 04.08.2022. godine.

Komisija za javnu nabavku sačinila je Zapisnik o prijemu ponuda broj: 08-01-03/2-11-2-2067-5/22 od 25.08.2022. godine, Zapisnik sa otvaranja ponuda broj: 08-01-03/2-11-2-2067-5/22 od 25.08.2022. godine i Zapisnik o pregledu i ocjeni ponuda broj: 08-01-03/2-11-2-2067-9/22 od 01.09.2022. godine, na osnovu kojih je ugovorni organ konstatovao da je Komisija blagovremeno i pravilno izvršila otvaranje ponuda i ocjenu istih, o čemu je sačinila gore pomenute Zapisnike, iz kojih je utvrđeno da su se do roka određenog za dostavljanje ponuda, 2 (dva) ponuđača prijavila na predmetno javno nadmetanje, i to ponuđači "DKM GRADNJA" d.o.o. Maglaj i "Arcon-in" d.o.o. Zenica.

Prilikom postupka kvalifikacije i ocjene ponuda, te izvršenog poređenja cijena ponuda, ustanovljeno je da je kod ponuđača "DKM GRADNJA" d.o.o. Maglaj ukupna cijena za ponuđene usluge neprirodno niska, te da je za više od 20% niža od cijene drugorangirane prihvatljive ponude. S tim u vezi, a u skladu sa članom 66. Zakona o javnim nabavkama i članom 17. stav (7) Upustva za pripremu modela tenderske dokumentacije i ponuda, od navedenog ponuđača zatraženo je objašnjenje cijene ponude. Ponuđač "DKM GRADNJA" d.o.o. Maglaj je dana 26.08.2022. godine, aktom broj: 336-08/22 od 26.08.2022. godine, dostavio traženo objašnjenje u kojem navodi da su cijene njegove ovogodišnje ponude povećane za 50% u odnosu na prošli objavljeni tender i smatra da su jedinične cijene normalne, odnosno da su usklađene sa trenutnim cijenama na tržištu i odredbama koje se odnose na zaštitu rada i radne uslove na mjestu pružanja usluga. Nadalje, ponuđač je naveo da pruža usluge održavanja zgrada Ministarstva unutrašnjih poslova Zeničko-dobojskog kantona u periodu od 2011. godine do danas i na takav način je upoznat sa svim mjestima i objektima policijskih stanica. Također, ponuđač navodi da mu je ovaj ugovorni organ dao pisma preporuke iz kojih se može vidjeti da je zadovoljan sa pruženim uslugama i radovima, a ponuđač izjavljuje da je u mogućnosti isporučiti robu i izvoditi radove po cijeni koju su naveli u ponudi, kao što su to radili i prethodnih godina. Navedeno je i da se ponuđač kao preduzeće razvija u pravcu održavanja objekata Ministarstva unutrašnjih poslova Zeničko-dobojskog kantona, određenih firmi i zgrada, te da ima certifikat za obavljanje poslova upravitelja izdat od Ministarstva za prostorno uređenje, promet i komunikaciju i zaštitu okoliša Zeničko-dobojskog kantona. Uz dostavljeno objašnjenje, ponuđač je dostavio kopije ugovora sa ovim ugovornim organom za period od 2011. godine i rješenje/certifikat za obavljanje poslova upravitelja. Na osnovu prethodno navedenog ustanovljeno je da je ponuđač dostavio prihvatljivo objašnjenje svoje cijene.

Dakle, ponude ponuđača "DKM GRADNJA" d.o.o. Maglaj i "Arcon-in" d.o.o. Zenica ispunjavaju sve zahtjeve ugovornog organa u formalno-pravnom, ekonomskom i tehničkom smislu, te su iste za ugovorni organ prihvatljive.

Dana 01.09.2022. godine sa početkom u 10,00 časova, u skladu sa odredbama Pravilnika o uslovima i načinu korištenja e-Aukcije ("Službeni glasnik BiH" broj: 66/15) započeta je e-Aukcija između ponuđača čije su ponude ocijenjene kao prihvatljive.

Početna rang lista ponuđača koji su pozvani da učestvuju u e – Aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
2	"DKM GRADNJA" D.O.O. MAGLAJ	4218267310009	25.567,70	1
3	"ARCON-in" D.O.O. ZENICA	4218039010003	34.744,56	2

Aukcija je okončana dana 01.09.2022. godine u 10:10 časova.

Konačna rang lista ponuđača koji su učestvovali na e-Aukciji, kako slijedi:

R.br.	Naziv ponuđača	IDB/JIB	Konačna cijena u KM bez PDV-a	Umanjene cijene	Rang
1	"DKM GRADNJA" D.O.O. MAGLAJ	4218267310009	25.567,70	0%	1
2	"ARCON-in" D.O.O. ZENICA	4218039010003	34.744,56	0%	2

Rangiranje prihvatljivih ponuda prema kriterijumu za izbor ponude:

Naziv ponuđača	Početna cijena ponude bez PDV-a	Popust	Početna cijena ponude bez PDV-a sa popustom (prije e-aukcije)	Konačna cijena ponude bez PDV-a sa popustom (nakon e-aukcije)	Rang
"DKM GRADNJA" D.O.O. MAGLAJ	25.567,70 KM	NE	25.567,70 KM	25.567,70 KM	1
"ARCON-in" D.O.O. ZENICA	34.744,56 KM	NE	34.744,56 KM	34.744,56 KM	2

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijem za dodjelu ugovora "najniža cijena".

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa odredbama Zakona o javnim nabavkama i predmetnom tenderskom dokumentacijom.

Slijedom navedenog, ponuđač "DKM GRADNJA" d.o.o. Maglaj odabran je na osnovu ponuđene cijene u iznosu od 25.567,70 KM bez PDV-a.

PRAVNA POUKA:

Svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi navodi kao povreda ovog zakona i podzakonskih akata od strane ugovornog organa u postupku javne nabavke, ima pravo uložiti žalbu na postupak u pisanoj formi u roku od 10 (deset) dana od dana prijema odluke o izboru najpovoljnijeg ponuđača.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

DOSTAVLJENO:

1. Ponuđači, 1x-
2. Sektor za podršku, 1x.-
3. Spis, 1x.-

